

本草選

盱江

張三錫

纂

金壇

王肯堂

校

石部

丹砂

道地丹砂以辰錦者爲最麻陽卽古錦州地佳者爲箭簇砂結不實者爲肺砂細者爲末砂色紫不染紙者爲舊坑砂爲上品色鮮染紙者爲新坑砂爲次

氣味甘微寒無毒

發明

時珍曰

丹砂生於炎方秉離火之氣而成體

陽而性陰故外顯丹色而內含真汞其氣不熱

而寒離中有陰也其味不苦而甘火中有土也

是以同遠志龍骨之類則養心氣同當歸丹參

之類則養心血同枸杞地黃之類則養腎同厚

朴川椒之類則養脾同南星川烏之類則祛風

可以明目可以安胎可以解毒可以發汗隨佐

使而見功無所往而不可夏子益奇疾方云凡

人自覺本形作兩人並行並臥不辨真僞者離魂病也用辰砂人參茯苓濃煎日飲真者氣爽假者化也類編云錢不之卿夜多惡夢通宵不寐自慮非吉遇鄧州判官胡用之曰昔常如此有道士教載辰砂如箭簇者涉旬卽驗四五年不復有夢因解髻中一絳囊遺之卽夕無夢神魂安靜道書謂丹砂辟惡安魂觀此二事可徵矣

水銀

氣味辛寒有毒

發明水銀乃至陰之精、稟沉着之性、得凡火煅煉、則飛騰靈變、得人氣薰蒸、則入骨鑽筋、絕陽觸腦、陰毒之物、無似之者、而大明言其無毒、本經言其久服神僊、甄權言其還丹元母、抱朴子以爲長生之藥、六朝以下、貧生者服食致成廢篤而喪厥軀、不知若干人矣、方士固不足道、本草其可妄言哉、水銀但不可服食爾、而其治病之功、不可掩也、同黑鉛結砂、則鎮墜痰涎、同硫

黃結砂則拯救危急病此乃應變之兵在用
能得肯腎而執其樞機焉爾餘見鉛白霜及靈
砂下

水銀粉

氣味辛冷無毒

發明銀粉能傷牙齒蓋上下齒齦屬手足陽明
之經毒氣感於腸胃而精神氣血水穀既不勝
其毒則毒卽循經上行而至齒齦嫩薄之分爲
審也按水銀乃至陰毒物因火煅丹砂而出加

以鹽礬煉而爲粉、加以硫黃昇而爲銀、硃輕飛
靈變化純陰爲燥烈、其性走而不守、善劫痰涎
消積滯、故水腫風痰濕熱毒瘡、被劫涎從齒齦
而出、邪鬱爲之暫開、而痰因之亦愈、若服之過
劑、或不得法、則毒氣被蒸、竄入經絡、筋骨莫之
能出、痰涎旣去、血液耗亡、筋失所養、營衛不從
變爲筋攣、骨痛發爲癰、腫疔漏、或手足皸裂、蟲
癬頑痺、經年累月、遂成癰痼、其害無窮、觀丹客
片煉水銀、輕粉、鼎器稍失固濟、鐵石撼透、况人

之筋骨皮肉乎陳文中言輕粉下痰而損心氣
小兒不可輕用傷脾敗陽必變他瘡初生尤宜
慎之而演山氏謂小兒在胎受母飲食熱毒之
氣畜在心膈故生下個個發驚宜三日之內與
黃連去熱膩粉散毒又與人參硃砂蜜湯解清
心肺積毒旣化兒可免此患二說不同各有所
見一謂無胎毒者不可輕服一謂有胎毒者宜
預解之用者宜審

銀硃

氣味辛溫有毒

發明銀硃乃硫黃同汞昇煉而成其性燥烈能爛齧變筋其功過與輕粉同也今厨人往往以之染色供饌宜去之

雄黃

氣味苦平寒有毒

發明夫大黃乃治瘡殺毒要藥也而入肝經氣分故肝風肝氣驚癇痰涎頭暈眩運暑瘡泄痢積聚諸病用之有殊功又能化血爲水而方士

乃有治服餌禱六具說被其毒者多矣

雌雄

氣味木平有毒

發明雌黃雄黃同產但以山陽山陰受氣不同

分別服食家重雄黃取其得純陽之精也雌黃

則兼有陰氣故爾若夫治病則二黃之功亦仿

彿大要皆取其溫中搜肝殺蟲解毒祛邪焉爾

石膏

氣味辛微寒無毒

集解蓋昔人所謂寒水者卽軟石膏也所謂硬
石膏者乃長石也石膏理石長石方解石四種
皆寒俱能去大熱結氣但石膏又能解肌發汗
爲異爾理石卽石膏之類長石卽方解石之類
俱可代用各從其類也今人以石膏收豆腐乃
昔人所不知

發明石膏性寒味辛而淡氣味俱薄體重而風
降也陰也乃陽明經大寒之藥善治本經頭痛
牙痛止消渴中暑潮熱然能寒胃今人不食非

腹有極熱者不宜輕用。又陽明經中熱發熱惡寒燥熱日晡潮熱肌肉壯熱小便濁赤大渴引飲自汗苦頭痛之藥仲景用白虎湯是也。若無以上諸瘥勿服之。多有血氣發熱象白虎瘥及脾胃虛勞形體病瘥初得之時與此瘥同醫者不識而誤用之不可勝救矣。日景石膏足陽明藥也。故仲景治傷寒陽明瘥身熱目痛鼻乾不得臥身以前胃之經也。胸前肺之室也。邪在陽明肺受火制故用辛寒以清肺氣。所以有白虎之

名又治三焦皮膚大熱入手少陽也凡病脉數

不退者宜用之胃弱不可用

時珍曰

東垣李氏云

立夏前多服白虎湯者令人小便不禁此乃降

令太過也陽明精液不能上輸于肺肺之清氣

亦復下降故爾初虞氏古今錄驗云治諸蒸病

有五蒸湯亦是白虎加人參茯苓地黃葛根因

病加減王燾外臺秘要治骨蒸勞熱久嗽用石

膏文如束針者一斤粉甘草一兩細研如麪日

服三四服言其無毒有大益乃養命上藥

不可忽其賤而疑其寒名醫錄言睦州楊士丞
患病骨蒸內熱外寒衆醫不瘥慶州吳醫用此
方而體遂涼愚謂此皆少壯肺胃火盛能食而
病者言也若衰暮及氣虛血虛胃弱者恐非所
宜廣濟林訓導年五十病痰嗽發熱或令單服
石膏藥至一斤許遂不能食而咳益頻病益甚
遂至不起此蓋用藥者之瞽瞍也石膏何與焉

滑石

氣味甘寒無毒

發明滑石利竅不獨小便也上能利毛腠之竅
下能利精溺之竅蓋甘淡之味先入于胃滲走
經絡遊益津氣上輸于肺下通膀胱肺主皮毛
爲水之上源膀胱司津液氣化則能出故滑石
上能發表下利水道爲蕩熱燥濕之劑發表是
蕩上中之熱利水道是蕩中下之熱發表是燥
上中之濕利水道是燥中下之濕熱散則三焦
寧而表裏和也濕去則闌門通而陰陽利劉河
間之用益元散通治表裏上下諸病蓋是此意

但未發出爾、

赤石脂

氣味甘酸辛大溫無毒

發明五色脂皆手足陽明藥也其味甘其氣溫其體重其性瀦瀦而重故能收濕止血而固下甘而溫故能益氣生肌而調中中者腸胃肌肉驚悸黃疸是也下者腸澼泄痢崩帶失精是也五種主療大抵相同故本經不分條目但云各隨五色補五臟別錄雖分五種而性味主治亦

不甚相遠，但以五味配五色爲異，亦是強分。而赤白二種，一入氣分，一入血分，故時用尚之。張仲景用桃花湯治下痢，後膿血取赤石脂之重，瀝入下焦血分而固脫。乾薑之辛溫，暖下焦氣分而補虛。粳米之甘溫，佐石脂乾薑而潤腸胃也。

爐甘石

氣味甘溫無毒

發明 爐甘石陽明經結水也，受金銀之氣，故治目

病爲要藥按古方常用爐甘石煨淬海螵蛸
砂各一兩爲細末以_此諸目病甚妙入硃砂五
錢則性不粘也

石灰

氣味辛溫有毒

發明石灰止血神品也但不可着水着水卽爛

慈石

氣味辛寒無毒